

Gvangjsih Minzcuz Bau

Cawigueni: Gvangsiah Bouxcuengh Swcigh Minzcuz Cunghvau Swvu Veijvenzvei

Cawjbanh: Gvangsiah Minzcuz Bause

Geiz neix 8 bani

广西民族报 Aenhauh okbanj: CN45-0036 B.2025 Nd.8 Ng.20 Liggaueq ietceih nienz nyinh ndwenloeg ngeihcaet Geizsoq: Gungh daih 3682 geiz

Siz Ginbingz Dungzci 《Lwnh Dawzmaenh Cienzmienh Haeujlaeg Gaijgwz》 Gienj Daih' it、Gienj Daihngaih Okbanj Fathengz

Siz Ginbingz dungzci 《Lwnh Dawzmaenh Cienzmienh Haeujlaeg Gaijgwz》 Gienj Daih' it、Gienj Daihngaih Cunghgung Cunghyangh Dangisij Caeuq Vwnzyen Yenzgiuyen bien haenx, mboengqneix youz Cunghyangh Vwnzyen Cuzbanjse okbanj, youq daengx guet fathengz.

Faenzgauj bough sawcomz neix ciuq seiz gonqlaeng bienbaiz. 《Lwnh Dawzmaenh Cienzmienh Haeujlaeg Gaijgwz》 2018 nienz 12 nyied okbanj haenx, ginggvaq Dangicunghyangh baecinj youh caiq okbanj, gaij heuh 《Lwnh Dawzmaenh Cienzmienh Haeujlaeg Gaijgwz》 Gienj Daih' it, souloeg 73 bien faenzgauj youqgaen

Dawzmaenh cienzmienh haeujlaeg gaijgwz duenhseiz 2012 nienz 12 nyied daengz 2018 nienz 12 nyied Siz Ginbingz dungzci. Gienj daihngaih souloeg 92 bien faenzgauj youqgaen Dawzmaenh cienzmienh haeujlaeg gaijgwz duenhseiz 2019 nienz 1 nyied daengz 2025 nienz 4 nyied Siz Ginbingz dungzci, ndawde mizmbangj faenzgauj dwg baez nduj goenghai fatbiuj.

Gaijgwz hailangh dwg aen fapbauj youqgaenj saehnieb dangj caeuq bouxminz yamqhung gaen hwnj seizdaih. Gaij Cibbet Samcung Cienzhohi Dangj hainduj seizdaih moq cienzmienh haeujlaeg gaijgwz、diuz

roen moq doihaeuj gaijgwz daengx aen dajveh, haicauh aen buenz moq gaijgwz hailangh guet raeuz, doenghbaez caengz guh gvaq. Gaij Cibbet Samcung Cienzhohi Dangj daengx buenz maeuzveh gyalai cienzmienh haeujlaeg gaijgwz、doihaeuj gij yendaiva yiengh Cungguek, doinyoengx cienzmienh haeujlaeg gaijgwz coh gvangq coh laeg bae guh. Siz Ginbingz cungsihgi caenndang daiqlingx、caenndang anbaiz、caenndang doinyoengx hong cienzmienh haeujlaeg gaijgwz, gohyoz cunggez lizsij gingniemh, gyalag gaemdawz gaijgwz gvild, yung h gij laebciengz yawjap fuengfap

Majgwzsw h cujyi, daezok baenzroix swhsiengj moq、yawjap moq、lwnhduenq moq, mingzbeig hoizdap seizdaih moq vihmaz aeu cienzmienh haeujlaeg gaijgwz、guhlaew doihaeuj cienzmienh gaijgwz doengh gij vwndiz youqgaenj neix, cauhbaenz dingz gapbaenz Aen Swhsiengj Sevei Cujyi Miz Gij Daegsaek Cungguek Seizdaih Moq Siz Ginbingz ceiq fungfouq、ceiq sengdoengh、ceiq miz cauh' ei, doiq gyalai cienzmienh haeujlaeg gaijgwz, aeu gij yendaiva yiengh Cungguek bae cienzmienh doihaeuj hwnqguh aen guetkak、aen saehnieb hungmbwk minzcuz, ndaej dazyinx lai raeuh! (daj Sinhvasze aeu daeuj hoiz)

Sanhgyangh: Mbanjdung Son-gyauq Lwgnyez Minzcuz Vwnzva

8 nyied 15 hauh, youq Sanhgyangh Dungcuz Swciyen Vwnzva' gvanj 150 lai boux lwgnyez ndang daenj buhvaq minzcuz, langhbaiz gobizbaz、byaij langh yiengh、langhbaiz veh bouxguhnaz Sanhgyangh doengh gij cezmuze neix, langhbaiz gij yinxdaeuz vwnzva lai yiengh Mbanjdung. Geij bi neix daeuj, aen yienh neix doihaeuj minzcuz vwnzva haeuj hagdangz、haeuj segih、haeuj mbanj、haeuj gihgvanh, doenggvaq laeb dieg cienzswnj feihyiz、bien sawsonhag bonjdieg、ciengzseiz guh son' gyauq doengh gij banhfap neix, gyonj rengz son' gyauq lwgnyez cienzswnj dinfwngz daihgeq, hawj lwgnyez bae cienzswnj ndei gij vwnzva ciuhgeq maenhndei Cunghvaz. Ndaw doz dwg lwgnyez cingq yienj gobizbaz.

(Gungh Bujangh Liengz Siumingz ingi)



Vwnz Cing Dietloh (Duenh Gvangjsih) Hanghmoeg Yungh Dieg Yawhsaemj Ndaej Baefuk

Mboengqneix, diuzloh hwnqmoq Yinznanz Vwnzsanh daengz Gvangjsih Cingsih Dietloh(baihlaiz heuh “Vwnz Cing Dietloh”) hanghmoeg gensez yungh dieg yawhsaemj ndaej Swyenz Swhyenzbu baefuk, baefuk yungh dieg yawhsaemj najdieg 125 gunghgingi.

Vwnz Cing Dietloh dwg guetgya “cibsei q haj” gvihev gensez hanghmoeg, liedhaeuj guetgya 《Gij Gviveh Muengx Dietloh Geiz Raez Rauh》, dwg dingz gapbaenz youqgaenj dietloh henzguk Yinznanz Gvangjsih, hix dwg diuz dietloh daihsam gaenlaeng Nanz Gunh Dietloh、Nanz Gunh Gwzconh lienz Yinznanz

Gvangjsih song swngigih, dwg diuzloh canloz youqgaenj henzguk saenamz. Guh hanghmoeg, ndaej dienzbouj dieghoengq lohmuengx dieg henzguk saenamz, cauhlaeb guhbaenz loh ok haij youqgaenj、loh Yinznanz Gvangjsih lienziep saenamz Yinznanz, doinyoengx diegguk haifat、hwn g bien fouq minz, coihaeuj gij saehnieb minzcuz doxgiat guh baenaj.

Aen hanghmoeg neix youq ndaw gyaiq Yinznanz Vwnzsanh Bouxcuengh Myauzcuz Swcicouh caeuq Gvangjsih Bwzswz Si, raez daihgaiq 284 goengleix, ndawde ndaw gyaiq

Gvangjsih raez daihgaiq 81 goengleix, gungh roengzgoek daihgaiq 357 ik maenz, dajveh guh 5 bi. Diuzloh haidin dwg Camh Cingsih Denz Cing Dietloh seizneix miz haenx, gonqlaeng gvaq Gvangjsih Cingsih Si、Nazboh Yen, Yinznanz Funingz Yen、Gvangjanz Yen、Yensan Yen、Vwnzsanh Si, satbyai dwg Camh Vwnzsanh Vwnz Mungz Dietloh cingq guh haenx. Daengx diuz loh gungh laeb 24 aen camh, dajveh hai vaiq diemj cung 160 goengleix.

Vih cinjdeng baujjang duenh Gvangjsih hanghmoeg yungh dieg, Swcigh Swyenz Swhyenzdingh

cawjdoengh lienzhaeh mizgven si、yienh nangqdaengz hanghmoeg haenx, dungjcouz doihaeuj hong hanghmoeg yungh dieg yawhsaemj. Gvangjsih Swyenz Swhyenz Swngdhai Siuhfu Cunghsinh gapbaenz aen doih guhhong, daezgonq haeuj daengz hong baihgong hanghmoeg, doenggvaq daengz dieg yawj guhndei hanghmoeg senj dieg senj sienq, bang hanghmoeg yungh dieg yawhsaemj gvaq ndaej swnh dwkroengz giekdaj.

(daj 《Gvangjsih Yizbau》 aeu daeuj hoiz Dangz Gvangjswngh Vangz Sangningz Suh Gvanmingz)